



# Bájkkeavijssa NuorttaSálto

## Ælla rudá varresvuoda-guovdátjij

Tæksta: Børge Strandskog  
Járggálibme: Divte Media AS

Stuor hádjánibme Divtasvuonan dá bieje gá diedádusáv oadtjun Varresvuoda- ja hüksodepartementas ettjin rudájt oattjo ávddáprosjæktaj guovllo-medisijnalasj/moattekultuvralasj guovdátjij Ájluovtan. Dan diehti prosjækta máhttá hiejteduvvat.

Præssadiedádusán vuoset departemænnta dajda 133 millijávnájda majt Ráddidus le biedjam avtastallamádstussaj jagen 2011. Suohkana máhttin rudájt áhtsát plánimij ja ásadibmáj avtastallamprosjektajs. Divtasvuona suohkan átsáj 1,8

millijávná krávná sijá ávddáprosjæktaj. Aktisasj bargujn direktoráhtajn le aj suohkan báلكkim Árrana rádevaddev, Fred Andersen, dagátjit báddásasj plánajt dákkir guovdátjij. Departemænnta juollodij 24 millijávná dá bále, valla prosjæk-



ta Divtasvuonan ittjij rudájt oattjo. Farra oattjo suohkan 200.000 krávná ávd-dánahtátjit elektrávnálasj ájáduslånudal-lamav sujto- ja hüksodievnaj, dákt-tárkontávráj ja varresvuodadájmadagáj gaskan aktan ráddnásuohkanij Hábmer, Stájgo ja Bálák. NRK sáme Radioj javllá hiejte suohkanoajvve Anders Sæter sán le hájen ja alvaduvvam gá departemænnta ittjij rudájt juolloda.

- Vuojnnet rabddaguovllo-Vuodna ja sáme e vat vuoroduvá, javllá sán. Sán doarjoduvvá Filip Mikkelsenis, guhti lij akta dajs gudi álgadij bargov guovdátjijn vidnudagá Drag Utviklinga baktu. - Vuojnáv dásju 800.000 kr rudájs Nuortta-Vuodnaj báhtin. Ij mige sáme prosjevtajda. Dát le vargga skandálla, miejnni Mikkelsen, guhti jáhkka hilgod-ibme ja prosjækta giehtadaláduvvá gá ádá suohkanstivrra barggagoahtá.



## Tjáhtjeihtja Sáttonjárgjávren

Akta Rumbojávrijn gálgáj akti ájmodis stuorra "viessok" gáddáj ja dasi mieskaj. Moadda sáme vuojnjin nierav, ja jáhkkin lij birrusin 4-6 mehtera. Muodugasj subtsas subtsastuváj Suoksavuomjávres Hábmerin/Stájgon.

Ienep dábdusa li divna subtsasa tjáhtjeihtjá birra Sáttonjárgjávren. Mij le vat vuojnusij boahtám... Dá bále, nágin vahko dássta ávddála, moattes ihtagav sæmmi báttá vuojnjin. Ihtak, gávvidum gámoprámman, mij ruvva manáj tjáhtjegieran ja stuorra bárojt jávren dagáj. Li læhkám muodugasj dáhpáduvá moaddi ja duolloy dálloj maņemus 100 jagijt. Moattes li buohtastahtám dav gámoprámman, iehtjáda vas li gávvidum ihtagav unna oajvátjijn ja guhka rubmahijn, 3-4 mehtera guhkke.

Vuostasj ja ihkap ienemus dábdos vásáduv tjáhtjeihtjás le jages 1910:"Avta

Illustrasjon i Hamarøy  
Bygdebok, bind 1,  
Bodvar Skutvik.

giesseijá sugáj Oline Sandnes jávre rastá biebmujn boadnjestis, Steffen, guhti lij dimmbarijt tjuollamin nuppe bielen. Buorre dálkke lij ja loadtje. Oline hávsskudaláj, ja ságastaláj báhtjatjin guhti maņneduohton tjáhkkaáj. Hæhkkat vanntsa juojddáv dejvadij, ja nav garra-sit vaj báhtjasj duoptos gahttaj. Iesj jurra starraj. Dánna galgaj liehket ráfes tjáhtje, valla dábdudj dagu lij gáddáj suhkam, jali tjáská nali. Oline rijpij badjel guovlastij, ittjij vargga duosta jáhkket majt vuojnij. Stuorra, sjeivnnjis viessok tjáhtjegieran spæhkkalij vaj tjáhtje risjijdjij suv badjel. Viessok gádoj. Ittjij juorrula. Vuojnám lij tjáhtjeihtjáv. Dán giessebieje jagen 1910 jáhtto tjáhtjeihtjá birra Sáttonjárgjávren dagáduváj. Ja vilá viessu, 100 jage maņnela...